

Broj : I-163 /19
Sarajevo, 07.11.2019. god.

VLADA FEDERACIJE BIH
N/R Gosp. Fadil Novalić, premijer

Predmet: Primjedbe na Nacrt Uredbe o naknadama za plastične kese na području FBiH

Poštovani,

Na službenoj stranici Federalnog ministarstva okoliša objavljen je nacrt nove Uredbe o naknadama za plastične kese na području FBiH.

Prije svega napominjemo da je ovo treća Uredba kojom se uvode nova opterećenja za poslodavce, a da prethodno nisu obavljene bilo kakve konsultacije sa predstavnicima Udruženja poslodavca.

Udruženje poslodavaca smatra da je ova Uredba od izuzetnog značaja za poslodavce posebno imajući u vidu da se direktno primjenjuje na članice Grupacije poslodavaca pri UPFBiH za djelatnost trgovine.

Članice UPFBiH iz oblasti trgovine (Bingo d.o.o, DM drogerije markt d.o.o, Konzum d.o.o., Merkator d.o.o., Ataco d.o.o., Amko comerc, Orbico d.o.o. i mnoge druge) kao društveno odgovorne kompanije smatraju veoma bitnim ovu Uredbu i svakako želi doprinjeti na uređivanju i uskladjivanju ove oblasti, te smatraju da trebaju biti konsultovani prilikom izrade teksta Uredbe.

Također, želimo napomenuti da UPFBiH nije protiv usklađivanja standarda sa standardima EU i upravo želimo djelovati u tom pravcu. Međutim, moramo istaknuti da ovakva rješenja nemaju zemlje u okruženju niti zemlje EU i da je visina naknada koja se uplaćuju Fondu za zaštiti okoliša previsoka.

Bitno je napomenuti da naknada po toni u RS iznosi 300,00 KM po toni a prema Prijedlogu Uredbe u FBiH predviđena je naknada u iznosu od 5.000,00 KM po toni. Smatramo da naknda treba biti usklađena sa naknadom u RS kako privrednici u FBiH ne bi bili u nepovoljnijem položaju od privrednika u RS.

Predložena Uredba će imati negativan uticaj na privredu u FBiH jer će dovesti do povećanja troškova poslovanja društva, a što direktno za posljedicu ima povećanja troškova krajnjeg potrošača/građanina.

Dalje napominjemo u članu 2. stav 1. predložene Uredbe „Plastična kesa je vrsta polietilenske kese, sa ili bez aditiva za razgradnju, čija debljina stijenke ne prelazi 50 mikrona, bez obzira na oblik ručki, veličinu kese i način upotrebe“. Dakle, navedena Uredba ne pravi razliku između plastičnih vrećica „sa i bez aditiva za razgradnju“ (bio razgradive kese) što sa ekološkog stanovište upotpunosti nije prihvatljivo i suprotno standardima EU.

Imajući u vidu da se predloženom Uredbom poslodavci obavezuju na plaćanje nove naknade, te da o navedenoj Uredbi nisu obavljene konsultacije sa predstavnicima poslodavaca, smatramo da je neophodno obaviti konsultacije sa Udruženjem poslodavaca u FBiH.

Shodno navedenom predlažemo da se ovakav tekst Uredbe ne usvaja u predloženom obliku, prije nego što se obave konsultacije predstavnicima Udruženja poslodavaca FBiH, te razmotre dobre prakse zemalja u okruženju kao i u EU.

Nadamo se da ćete u cilju jačanja socijalnog dijaloga naše zahtjeve uvažiti.

Srdačan pozdrav,

DIREKTOR
Mladen Pandurević, s.r.

Co. **FEDERALNO MINISTARTVO OKOLIŠA I TURIZMA**
N/R gđa. Edita Đapo, ministrica